



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 441. Num possit privilegiatus uti suô privilegiô, in quolibet loco,  
etiam extra territorium concedentis.

---

[urn:nbn:de:hbz:466:1-73982](#)

## C A P U T II.

De Privilegiorum Usu, Interpretatione,  
Extensione.

Ques. 441. Num possit privilegiatus uti suo privilegio in quolibet loco, etiam extra territorium concedentis?

1. Esp. Certum est primò, & in eo convenienti AA, quod sicut privilegii concessi absolute & absque ulla limitazione usus licitus est pro omni territorio & loco concedentis, cum tunc non sit majoratio pro uno loco, quam pro alio, & ne alias, si privilegium non intelligendum pro omni loco, tanguam ambiguum & incertum foret inutile, & si voluisse privilegians pro aliquo loco sibi subiecto illicitum esse, id declarasse debuisset, cum alias prudenter presumatur, illum voluisse pro omni loco licitum esse. Arg. Reg. Juris. 55. in 6. & ita expressè Suar. L. 8. de LL. c. 26. n. 1. Castrop. tr. 3. d. 4. p. 6. n. 1. Bonac. d. 1. q. 5. n. 1. Wiestn. b. t. n. 27. Ita e contra certum est, usum privilegii concessi limitate & determinate pro certo tantum loco, invalidum & illicitum esse pro alio loco, cum valor & usus illius omnino dependeat ab intentione concedentis; ita Castrop. l.c. n. 2. & ceteri AA. cit. Hæc vero limitatio vel constat expressè ex verbis, &, si hæc sint dubia & indifferentia, colligenda est ex fine & materia concessionis juxta tenorem litterarum privilegii.

2. Resp. Secundò: Certum quoque est, usum privilegii extra territorium concedentis ad actum specialiter ibidem prohibitum, v. g. comeditionis carnis etiam licitum esse pro territorio alieno, in quo is jure communi licitus est, cum quis etiam legibus & statutis propriæ patriæ extra hanc existens non astringatur, juxta c. fin. de Constit. in 6, etiam secluso privilegio uti possit, ita e contra in alieno territorio, ubi talis actus legibus communibus, aut statutis specialibus, vel mandatis prohibitus est, usus privilegii non est licitus in sententia eorum, qui docent, exterum transeuntem ista loca ligari eorum Constitutionibus, eò, quod concedens privilegium non habeat potestatem remittendi obligationem impositam transeuntem talia loca per Superiorum illorum, cum non sit Superior illius, prout docent Suar. l.c. à n. 7. Salaf. d. 17. f. 10. n. 54. Bonac. l.c. q. 3. p. 6. n. 4. quos citat ac sequitur Castrop. l.c. n. 6. Secus est in sententia docentium, non minus probabiliter transeuntem illa loca per se non ligari illorum legibus specialibus, nisi quandoque per accidentem ob vitandum scandalum, perturbationem Reipublicæ, aliquæ incommoda, & tunc etiam in hac sententia per accidens uti non poterunt privilegio suo. Nihilominus tamen Castrop. l.c. cum Salaf. l.c. n. 56. Bonac. l.c. q. 3. p. 7. n. 7. Suar. l.c. censet ex benigna interpretatione voluntatis Superioris loci, quæ quis transit, illum presumere posse, se obligatum non esse ejus legibus, à quibus in territorio proprio exemptus est, & specialiter non sunt illius loci proprie.

3. Resp. Tertiò: Si usus privilegii non sit contra constitutionem alieni territorii, quod quis transiret, sed adversetur legi, tam in proprio, quam alieno territorio obliganti, v. g. comeditione carnium in

R. P. Lœvr. Jur. Can. Lib. V.

quadragesima privilegiatum uti posse liberè privilegio in utroque loco, quia obligatio illius legis in utroque loco est eadem, adeoque, si vi privilegii exemptus quis est ab ea in uno loco, etiam exempli in altero, probabilius censem Suar. cit. c. 26. à num. 15. confirmans id praxi. Salaf. cit. f. 10. Bonac. l.c. p. 6. n. 4. Sanch. de mat. L. 8. d. 31. n. 17. Azor. L. 5. c. 23. q. 6. Castrop. l.c. vers. 6 autem. Pirk. b. t. n. 182. Wiestn. n. 30. quæ in contrarium reddentia sententiam opositam, ut inquit Castrop. satis quoque probabilem, sunt fere sequentia. Primò: quod, si prohibita jure communis utriusque loci prohibentur speciali constitutione vel mandato superioris loci istius alieni, privilegium habitum à superiori loci proprii non libaret privilegiatum ab obligatione contracta per specialem prohibitionem superioris alterius loci, adeoque nec liberaret ab obligatione, quando solùm iure communis utriusque loci sunt prohibita, quia specialis prohibitio non addit specialem obligationem, cum alias gravius peccareris, cui idem a diversis Superioribus prohibitum, ad quod tamen respondetur, prohibitionem quidem factam per statutum speciale non superaddere obligationem speciale diversam, quod ad eos, qui communi lege ligantur, quia jam omnem obligationem, quæ eis induci potest, habent à lege communi, iis tamen, qui exempti sunt à lege communi, quod minus per speciale illam prohibitionem inducatur obligatio, nihil est, quod impedit possit. Secundò: quod Superior loci alieni potest prohibere tibi usum privilegii, quod habet à proprio Superiori, cum residens etiam transeunter in ejus territorio mandatis illius obedire tenearis, & vel sic privilegio tuo integrè non deobligaris ab observatione & obligatione precepti communis. Verum talis potestas negatur superiori loci alieni, nisi is speciale & honestam causam habeat, quemadmodum prohibendo impedit potest usum dicti privilegii, dum privilegiatus arguitur de eo obtento per subreptionem, quousque se purget manifestando privilegium, ad quem manifestationem eum obligare potest, ut Suar. cit. c. 26. n. 17. Tertiò: quod transiens aliena loca per habitudinem etiam transeuntem fiat pars illorum locorum, adeoque tenetur observare statuta & leges illorum, ne pars à toto discordet. Verum, et si id verum, quia tamen ab obligatione legis communis haber privilegium exemptionis, lege communi non tenetur.

4. Resp. Denique, si privilegium concessum ad actum secundum se quidem nulli juri repugnantem, ad licitum tamen & honestum sui exercitum Principis, Episcopi, Parochi facultatem exigentem, ut est actus concionandi, missas dicendi, confessiones excipiendi, sine illorum licentia hoc ipso exerceri nequit extra concedentis territorium, eò, quod concedentis jurisdictio extra suum, ac proinde ad alterius territorium non extendatur. Wiestn. b. t. n. 2. juxta c. fin. de Constitut. in 6.

Ques. 442. Utrum quis uti teneatur suo privilegio?

1. Esp. Juxta communem, neminem teneri suo privilegio sibi specialiter concessu uti, c. si de terra.

H h